

Andrian, Carl, 1680-1745; Knieperger, Franz Anton

Corollaria Curiosa Ex Catoprico-Dioptriciis collecta Principijs
[Principiis], Et Pro Academico-Mathematico Exercitio publicè
proposita

Typis Mathia Kleinmayr

Clagenfurti; Klagenfurt; AUT; AUT 1714

Signatur: 306378-A

Barcode: +Z35576106

Zitierlink: <http://data.onb.ac.at/ABO/%2BZ35576106>

Umfang: Bild 1 - 48

Nutzungsbedingungen


Bitte beachten Sie folgende Nutzungsbedingungen: Die Dateien werden Ihnen nur für persönliche, nichtkommerzielle Zwecke zur Verfügung gestellt. Nehmen Sie keine automatisierten Abfragen vor. Nennen Sie die Österreichische Nationalbibliothek in Provenienzanangaben. Bei der Weiterverwendung sind Sie selbst für die Einhaltung von Rechten Dritter, z.B. Urheberrechten, verantwortlich.

Hinweis: Das Dokument enthält hinterlegte Textdaten, die eine Suche in der Datei ermöglichen. Diese Textdaten wurden mit einem automatisierten OCR-Verfahren ermittelt und weisen Fehler auf.

Osterreichische
Nationalbibliothek

306.378-A

Alt-



ÖNB



+Z35576106



Dr. Joseph Braunbeck
Klenmayerg. 51/2/2
A - 1140 Wien

De Backer - S. I, 366, 3

, Audriou, Karl

14023
A 03

COROLLARIA CURIOSA

Biblioth. *Ex* *Catalogo*
Catoptrico - Dioptrici collecta Principijs,
Collegij *Et* *Scholarum*
Pro Academico - Mathematico
Exercitio publicè proposita
Schol. *A* *Præs.*

Nobilibus, eruditiss., ac Perdoctiss. Dominis
FRANCISCO ANTONIO CAROLO KNEIPERGER,
Nobili Carintho Gutcensi.
GEORGIO CHRISTOPHORO MATSNIER,
Carintho Clagenfurtensi.
JOANNE JOSEPHO GOTSCHY,
Carintho Clagenfurtensi.
SIMONE KOLIENZ,
Carintho Etschacensi.

Physices & Matheseos Auditoribus.
in usum PRÆSIDIS *M. Principis*
R. P. CAROLO ANDRIAN,
Soc. Jesu, Matheseos Professore ordi-
nario

in Archi Ducali, & Academico Societatis JESU Gymnasio
Clagenfurtensi.

Mense Augusti Die 1. An MDCC. XIV.



Clagenfurti,
Typis Mathæ Kleinmayr.

306.378 - A. 104



DIVO IGNATIO

Lucidissimis virtutum radijs fulgentissim.

SOLI

Sancto item

FRANCISCO XAVERIO

Præstantissimo ac Artificiofissimo

SPECULO

Per reflexos à se Ignatiani

*SOLIS radios, divini amoris Ignibz
totum orbem Inflammati*

*Hæc Catoptrico-Dioptrica Corollaria
D.D.D.*



Clientes infimi

Franciscus Antonius Carolus Knieperger,
Georgius-Christophorus Marsnigg,
Joannes Josephus Gotschey,
Simon Kolienz.





Præfatio ad Lectorem.

Non ignoramus equidem Matheseos Cultoribus solem-
nem, atque inviolatam esse consuetudinem, ut, an-
tequam disciplinarum suarum, praxes artificiosas a-
lienis oculis subiciant, prius earundem artium, definitio-
nes, postulata, ac principia theórica, ex quibus praxes hæc
artificiosæ profluunt, Lectori declarent. Ne & nos à laudatissi-
mo hoc more recedamus, antequam Corollaria hæc curiosa
Catoptrico Dioptrica, seu praxes artificiosas harum discipli-
narum in paucis his foliis delibemus, pauculas prius defi-
nitiones, & principia aliquot theórica, ex quibus hæc Corol-
laria promanant, præmittemus; plura addituri, si ad ma-
num nobis fuisset, qui necessarias incideret figuras: cujus e-
tiam defectu plura, ut ut scitu jucunda & curiosa, omittere
coacti sumus, quæ sine figurarum auxilio plenè percipi ne-
queunt, & ea solum recensere contenti, quæ sine illarum ap-
paratu declarari possunt.

Præmittuntur definitiones & Principia Ca- toptrico-Dioptrica.

§. Definitiones Catoptrica.

1. Corpus radiosum est illud, quod vel lumen, vel colorem
diffundit per medium diaphanum.
2. Corpus speculare seu speculum est omne corpus politum
radijs incidentibus impervium.
3. Linea vel radius incidentiæ est illa linea, quæ à puncto
corporis radiosi in superficiem politam incidit.
4. Linea seu radius reflexionis est, linea in superficie, cor-
poris politi recepta, quæ, cum ulterius progredi non permit-
tatur, in medium diaphanum reflectitur.
5. Punctum reflexionis est illud, in quo radius incidentiæ
à speculo reflectitur. Dicitur etiam idem punctum incidentiæ,

6. Cathetus incidentiæ est linea à puncto corporis radiantis perpendiculariter ad speculi superficiem demissa.

7. Angulus incidentiæ constituitur per radium incidentiæ, & per superficiem speculi seu per lineam, quæ est sectio communis superficiæ speculi, & superficiæ reflexionis.

8. Angulus reflexionis fit per lineam reflexionis, & eandem communem sectionem.

§. 2. *Definitiones dioptrica.*

1. Refractio est incurvatio seu deflectio radij per duo diversa diaphana propagati. Hæc contingit in Puncto, in quo is ex uno transit in aliud medium. Idque punctum dicitur punctum refractionis, & simul incidentiæ.

2. Radius incidentiæ est linea, quæ à corpore radioso per unum diaphanum progreditur, & alterum ferit.

3. Radius refractionis est radius incurvatus, & à recta linea deflebens, in medio diversæ rationis.

4. Linea perpendicularis refractionis est linea super punctum refractionis perpendiculariter erecta.

5. Cathetus incidentiæ est linea à puncto radiante perpendiculariter ducta ad superficiem in qua fit refraction.

6. Angulus incidentiæ fit à linea incidentiæ, & perpendiculari refractionis.

7. Angulus refractionis constituitur per lineam refractionis, & lineam incidentiæ protactam per medium diaphanum.

8. Angulum refractum constituit radius refractus, & linea refractionis in puncto refractionis.

§. 3. *Hypotheses & Principia Catoptrica.*

1. Speculum quodcumque reflectit lumen & colorem per lineas rectas à quolibet puncto, in quod incidunt.

2. In speculo videtur objectum, & non species objecti.

3. In quovis speculo Angulus incidentiæ est æqualis angulo reflexionis. Huic principio plurima innituntur problemata.

4. In quovis speculo quodvis objecti punctum non apparet alibi, quam in concursu radij reflexi, & Catheti incidentiæ.

5. Specula penitus opaca semel tantum reflectunt speciem diaphana, secundum quid, bis.

6. Moro oculo, objectum in alia speculi parte conspicitur.

7. Non possunt simul duo puncta rei visæ reflecti ab eodem puncto speculi, ad idem punctum oculi.



§. 4. Hypotheses & Principia dioptrica.

1. Radij perpendiculatim incidentes, ex uno diaphano in aliud non refringuntur, sed pergunt linea recta.

2. Radij obliquè incidentes ex uno diaphano in aliud incurvantur, & quidem refringuntur à perpendiculari, si à densiori medio incident in rarius: ad perpendicularem verò, si è rario-ri in densius cadant. Et quo medium est densius, eò magis ac-ccedit ad perpendicularem, quò rarius, eò magis à perpendicu-lari recedit radius refractionis.


3. Omnis refractionis fit per lineas rectas, pergit siquidem ra-dius refractionis à puncto refractionis via recta, non secùs ac radius incidentis à puncto radiante usque ad punctum refra-ctionis.

4. Imago rei refracta videtur in concursu Catheti inciden-tis & lineæ refractionis productæ.

5. Radius obliquè incidens quo magis obliquius incidit, eò majori angulo refractionis refringitur; seu eò magis deviat à linea recta.

6. Res in medio rariore apparet remotior, & minor; in densiore propinquior & major.

Et hæc pauca principia pro sequentibus Corollarijs inde de-ductis, præmittenda censuimus. qui plura volet, vel horum demonstrationem desiderat, consulat Kircheri Art. Mag. Lu-eis & umbræ. Andreæ Taquet. Opticæ libros tres. P. Zahnni oculus artificialem, aliosque: qui abundè satisfaciunt.



Corollaria curiosa.

Ex Principijs Catoptrico-Dioptricijs
deducta.

SECTIO I.

De Speculis planis.

Corollarium 1. Opæ speculi plani metiri altitudines rerum.

Sit mensuranda Turris, ad cuius basim liber accessus detur : recede à basi hujus turris ad libitum, v. g. ad pedes 50. col- loca ibi speculum planum horizontaliter : ab hoc dein etiam tamdiu recede, donec in eo stans erectus apicem turris vide- as : distantiam hanc accuratè metire, sitque v. g. pedum 7. præterea nota tibi sit altitudo oculi à plano, cui insistis, si- que v. g. pedum 5. his peractis utere regula aurea, & dic : ut distantia insipientis à speculo, seu pedes 7. ad altitudinem o- culi, seu pedes 5. ita distantia speculi à basi, seu pedes 50. ad altitudinem turris, deprehenderetur in dato casu esse pedum 42.

7.

II. Aliter verum altitudinem metiri per speculum pla- num. Primò fiant duæ regulæ parallelepædæ, ita inter se con- nexæ, ut prima normaliter sit inserta secundæ, ut inter ipsam pro libitu elevari & deprimi possit. Utraque sit divisa in par- tes æquales 100. Regula secunda inferatur pedi globo versatili instructo, ut, in omnem partem moveri possit : in centro, in quo regula pedi, vel globo committitur, ponatur speculum planum regulæ parallelum, his positis

Sit mensuranda columna in foro erecta, ad cuius basim detur liber accessus : recede ergò, ut priùs à dista basi pro li- bitu v. g. ad pedes 50. accuratè numeratos, colloca ibidem in- strumentum prædictum, exere regulam, cui insistit speculum, ad acceptam priùs à basi columnæ distantiam, nempe ad partes 50., ut videlicet inter speculum, & inter alteram regulam par- tes 50. sint interceptæ : regulam dein alteram tamdiu eleva, vel deprime, donec per ejus apicem in speculo appareat apex columnæ usque ad punctum instrumento parallelum, quod si addideris instrumenti altitudinem à plano, cui insistit, inte- græ columnæ altitudinem habebis.

III. Eiusdem speculi plani auxilio metiri altitudines etiam inaccesas. Sit mensuranda turris ob interjacentem fossam inaccesas. Colloca instrumentum prædictum in lo- co fossæ proximo : ibi extrahatur ad libitum regula, cui insi- stit speculum v. g. ad partes 40. altera verò tamdiu elevetur, aut deprimatur, donec appareat apex turris datæ in speculo : à statione hac dein recede ad libitum ad pedes v. g. 50. in lo-

eo hoc operare cum instrumento ut prius. Cum autem in secunda hac statione regula sustinens speculum magis extrahi debeat v. g. ad partes 60. notandus est excessus partium in extractione secunda supra primam factus: cum verò in extractione prima partes solum 40. sint interceptæ, in secunda autem 60. excessus est partium 20. Item notetur quot partes ab apice alterius regulæ usque ad hanc sint interceptæ, sintque v. g. 40. his habetis instituaturs operatio per regulam auream, dicaturque: ut excessus ille partium in regula sustentante speculum seu 20. ad partes interceptas in altera regula seu 40. ita distantia à prima statione seu pedes 50. ad altitudinem turris: erique turris pedum 100. Pari ratione habebitur etiam latitudo fossæ, dicatur enim, ut excessus ille partium prædictus seu 40. ad partes 40. in prima extractione assumptas, ita distantia stationis secundæ à prima, seu pedes 50. ad latitudinem fossæ, quæ itidem lata erit pedes 100.

IV. Locorum distantias metiri per speculum planum.
Sic investiganda latitudo fluminis alicuius: Collocat in litoreis crepidine speculum instrumento impositum horizonti perpendiculari, ita, ut fluminis terminum in opposita ripa respiciat: Eleva dein regulam, cui insertum est speculum, alteram verò tamdiu extrahe, donec terminum fluminis in opposito litore in speculo videas. partes in utraque regula interceptæ notentur: item inquiratur per mensuras notas altitudo speculi à superficie præterfluentis fluminis, inde dic: ut particula in regula speculum sustentante interceptæ, & notatæ v. g. 30. ad particulas interceptas in altera regula v. g. 40. ita altitudo speculi à superficie fluminis v. g. pedum 20. ad latitudinem fluminis, quæ in hoc casu erit pedum 26. $\frac{20}{30}$.

V. Auxilia speculi plani jaculari ad metam à tergo positam. Jaculaturus centrum metæ à tergo positæ in speculo accuratè intueatur: inde scloppum humeris impositum ita dirigat: ut primum & ultimum ejus punctum in speculo videantur in eadem cum centro metæ linea: sic collocato scloppo jaculetur, tanger absque dubio, si scloppum immoto situ tenuerit, metæ centrum: hoc enim in dato casu in eadem linea recta cum scloppo erit, & per consequens globus ex eo ejectus directè ad illud evolatibit.

VI. *Speculum planum ita collocare, ut in eo appareat hora duodecima, etsi horologium in cubiculo à regione speculi appensum, & ab omnibus visum, ostendat horam sextam.* Affigatur speculum loco satis alto versùs pavementum tamen inclinatum: à regione ejus fiat foramen coronide, vel alia prominente re, occultatum, in hoc collocetur horologium, ita ut radiare in speculum, à nemine tamen videri possit: infra illud, etiam à regione speculi collocetur horologium, quod ab omnibus videri potest. hoc ita ordinetur, ut etsi spectatoribus in speculum radiare videatur, re ipsa tamen non radiet. Si spectator accesserit ad locum, ad quem radiat horologium sub coronide occultatum, mirabitur in speculo ostendi horam 12. ad quam indicandam studiosè artifex illud direxit, cum tamen horologium in pariete visum, 6. tunc re ipsa currentem demonstret. neque facillè deprehenderetur fraus, si horologia fuerint similia. Pater hic plurimas easque jucundissimas illusiones hac arte fieri posse. videlicet, ut loco depicti in pariete patulo belliducis in speculo videatur Eremita, locò juvenis floridi appareat horribilis mortis larva &c.

Quæri hic posset, an, & qua ratione fieri posset, ut speculum unicam tantùm imaginem semper, & ubique repræsentet. fieri id posse experientia testatur, quandoquidem speculum à Cosmo Mediceo Florentiæ Duce Henrico Regi Galliarum oblatum, nil aliud præter dictum Ducem repræsentavit. Alterum Schwenckerus Monacenses P.P. Societatis Jesu habuisse testatur, in quo solus Dux Baviæ visebatur: quomodo verò id confici possit ex P. Athanasij Kircheri verbis describam. *Siquis pictor, inquit, imaginem in folio, in quo speculum argentei vivi ope sublinatur, subtili stilo incidaret, & dein speculum aliquantum inclinaret, certum esse, nil in speculo præter imaginem incisam videri.*

VII. *Per bina specula plana jucunda exhibere spectacula.* Fiat machinula in forma cylindri, quantitati speculorum proportionati: in hac ponantur duo specula plana, ita suis cardinibus connexa, ut instar libri aperti, claudique possint: si specula hæc perpendiculariter situata aperiantur ad semicirculum, apparebit unica objecti imago: si ad gradum 120. binæ. in 90. tres in 60. quinque, & sic deinceps, quò minor sit angulus, eò plures apparebunt imagines. patet hinc quo-

quomodo integræ militum cohortes, per paucos depletos milites repræsentari in talibus speculis possint.

Si specula angulum faciant paulò majorem recto facies directè ad angulum insipientis apparebit monocula si angulus fuerit paulò minor recto, facies eadem apparebit cum tribus oculis, & bino naso.

Si verò iterum contrahatur, ut facies appareat duplicata, si paululùm à speculis recesseris, in eodem corpore apparebunt bina capita. Si angulus fuerit minor, & ad 4. circiter pedes recesseris apparebit corpus truncatum sine capite. Plura curiosa spectacula ipsa docebit experientia, quandoquidem ad omnem speculorum motum semper alia appareat rerum facies.

VIII. *Per plura specula plana ea in cubiculo repræsentare, quæ foris aguntur, & quæ directâ visione videri non possunt, etsi procul diffita sint.* Specula ita collocari industriè debent, ut objectum, quod quis videre desiderat, in primum radiare possit, ab hoc verò reflectantur species in secundum, a secundo in tertium, & (si opus sit plura adhibere) à tertio in quartum: in quo desideratum objectum loco tuto videri poterit. Hac arte rescire quis potest ea, quæ in hostium castris aguntur, & quidem absque ullo periculo, & ad distantiam aliquot millium passuum attestante id ex alijs Joan. Kolhanio.

Quin immò hic dictus Author in tract. optico p. 63. asserit, parari posse unicum speculum, quo quis ea, quæ in castris hostilibus aguntur videre clarè poterit, etsi hæc ad integrum milliare ab insipientie remota sint. praxin hanc declarat sequentibus verbis. *Speculum à sinistra sit apertum, in reliquis tribus lateribus subsrudibus sorsu pollicem latis immissum.*

IX. *Per plura specula plana debirè composita amburi potest navis, etsi ad pedes 100 distet.* Problema hoc defendit Kircherus l. 10. lucis & umbræ. part. 3. distinct. 3. c. 1. ubi & sequentem praxin præscribit: disponantur magna 5. specula plana ita, ut ad eundem locum, idemque objectum lucem solarem reflectant, non solum lux in eo loco augebitur, sed calor quoque in tantum intendetur, ut manui pœnè intollerabilis sit. inde concludit, si multiplicentur specula plana, & ad eundem dirigantur locum, infallibiliter futurum, ut oppositam materiam inflammabilem in cineres redigant, etiam si ea 100. pedibus distet.

X. *Ope speculi plana animi sui sensu amice prodere.*
 Sic monendus amicus tuus, ut illico fugam arripiat, si eum
 convenire non possis, hac arte mentem tuam eidem aperies.
 Accipe speculum planum ex metallorum mixtura (quam ex
 Joan. Bapt. Porta, P. Schotus l. 6. magis natur. part. 1. præ-
 luf. 3. docet) confectum: huic atramento vel alio delectibili
 colore inscribe sequentes voces: *Amice illico fuge!* sed ordi-
 ne *inverso* inscribendæ sunt voces, ita ut superiora fiant infe-
 riora, & dextra fiant sinistra, inscriptis litteris verte speculum
 versus locum, ubi amicus versatur, & solis lucem speculo ex-
 ceptam ad cubile illius obscuratum projice: directo sic speculo,
 interpone vitrum lenticulatæ obtusioris convexitatis ad distan-
 tiam debitam, quam ex observatione prius habita facile cogno-
 sces: quod si feceris amicus tuus in obscurati cubiculi pariete
 fidelem monitionem tuam prædictis vocibus expressam claris-
 simè leget.

Quod si litterarum loco, picturam aliquam, aut homi-
 num, vel animalium effigies secundum extimam superficiem
 depictas & excisas speculo imposueris, illudq; in obscuratum lo-
 cum dirigas, picturæ, & effigies clarissimè in pariete depin-
 gentur, quod si picturas, aut effigies ita disposueris, ut filis fer-
 reis moveri, ac dirigi possint, mirabilius reddes artificium
 tuum, & spectata non sine terrore ad vivum hac arte repræ-
 sentare poteris.

Si in speculo depinxeris ordine inverso horologium
 scyathericum, & horæ tunc currenti muscam affixeris, specu-
 lumque cum lente convexa ad obscuratum locum converteris,
 apparebit in pariete horologium scyathericum perfectum, um-
 bra verò muscæ præsentem horam cum admiratione ostendet.
 Plura admiranda hac arte præstabit ingeniosa manus, quæ vix
 humanitatis fieri posse vulgus credit.

XI. *Per plura specula plana conficere intromissionem
 specierum: ut hæc appareant sapius multiplicata, modo erecta
 nunc eversa prout libet.* Non ago hic de vulgari specierum in
 obscurum cubiculum intromissione, quæ sit ope vitri conve-
 xi: neque hic est sermo de specierum erectione per speculum
 planum in debita distantia ad gradus 45. inclinatum, sed ser-
 mo nobis est de artificio alio, cuius sequens est praxis.

Fiat cistula oblonga parallelepæda capax speculorum:
 quæ



quæ insiti debent. in latere uno breviorē fiat foramen sustinens convexa imponatur. in debita distantia (quam usus docebit) ponatur charta nitidissima, quæ perpendiculariter plane insitens totam ejus cavitatem expleat. post chartam collocentur specula tria, quorum unum ponatur horizonti parallelum, reliquæ occupent duo cistæ latera. Claudatur dein ex hac parte operculo suo cistula, & in eo fiat foramen: per quod oculus videbit species mirè multiplicatas: in lateralibus speculis eas videbit inversas: erectas in horizontali.



SECTIO II. De Speculis concavis.

Corollarium XII. Speculo concavo notum est videre, quæ à nobis distita sunt: item legere litteras, in remoto cubili obscurate, exaratas. huic, & sequentibus corollariis quædam speculi concavi proprietates præmittenda sunt. 1. In speculo concavo res aliquando majores, aliquando minores, quàm reipsa sint, apparent. 2. Res in tali speculo aliquando apparent erectæ, aliquando inversæ. 3. Imagines rerum à speculo reflexarum aliquando apparent ultra speculum, aliquando extra illud, aliquando in oculo, quandoque ultra oculum.

Notandum etiam est, in speculo concavo dari duo puncta, quorum unum dicitur punctum inversionis, in quo radij uniti materiam inflammabilem comburunt: alterum inversionis in quo objecta invertuntur.

Punctum inversionis facile invenies, si speculo supponas aquam bullientem, vel excipaveris atomos, aut crassam ex ore exsufflaveris exhalationem. Tunc enim apicem contradii siue difficultate conspicias, in quo quæsitum inversionis punctum invenisti. Punctum inversionis verò ipsum centrum est speculi: si speculo æquale segmentum è charta crassiori existeris, & per illud duas rectas ductas, per duas alias li-

magis bifariam divideris, in puncto, in quo hæc lineæ productæ concurrunt, centrum speculi, consequenter & punctum inversionis invenies. His prænotatis

Propositum problema resolvimus. Ante speculum concavum, in puncto incensionis colloca candelam, vel facem, & cum admiratione intueberis, ea quæ longè à te remota sunt, quod si reflexum à speculo lumen ad obscurati cubiculi parietem dirigas, litteras in eo exaratas non sine stupore leges. patet hinc quomodo duo inter se clandestinè ope duorum speculorum concavorum colloqui, & mentem suam invicem declarare possint. Si videlicet quivis animi sui sensum brevibus verbis in pariete describat, uterque enim auxilio speculi amici mentem è verbis in pariete illius depictis percipiet. Distantiam, ad quam specula hæc vim suam exercere possunt variam assignant Optici, *Mersennus* ad 500. pedes extendit. *Porta* 60. passus admittit. *Maginus* 120. pedum intervallo includit: hanc distantiarum varietatem in speculorum varietatem rejiciendam censemus.

XIII. Speculo concavo amico distanti suam aperire mentem. Quomodo id speculo plano & lente vitrea fiat supra traditum est. Facilius id præstabitur speculo concavo alia tamen, quam in proximo Corollatio tradidimus praxi, si speculo concavo, ea qua dictum est superius Corol. 14. arte litteras inverso situ inscripseris, aut effigies in eo depinxeris lucemque solarem speculo exceptam ad obscurum locum direxeris, leget amicus tuus ea, quæ ei communicare voles, vel effigies aut picturas speculo concreditas in pariete depictas admirabitur.

Id ipsum præstare docuit Kircherus per lumen candelæ: hæc ponatur inter speculum, cui inscripta sunt, quæ amico communicare voles, & lentem convexam speculo proportionatam. Distantiam candelæ, tum à speculo, tum à lente convexa, ipsa docebit experientia. His præparatis æquè mentem tuam amico aperies, aut, si voles miranda oculis ejus obijcies spectacula.

XIV. Specula concavo & plano minutissimas legere litteras. Accipe speculum concavum, & illius dorsum tuo applica pectori: huic oppone in situ horizontali chartam minutissimos characteres continentem. inde sume speculum planum, hoc,

hoc, si concavo speculo opposueris, reflexor ab illo characteres sine difficultate leges.

XV. *Paucis luminibus amplissimam aulam illuminare per specula concava.* Accipe tria specula concava, & in puncto incensionis colloca lucernam accensam; lumen vi reflexionis à speculis concavis factæ ita intendetur, ut teste *Porta* ipsa plena dies in aulam esse inducta videatur.

XVI. *Speculis concavis illuminare diversas civitatis plateas.* Sit ita constituta domus tua, ut una ejusdem fenestra diversas tres plateas respiciat. has omnes si illuminare desideras, accipe tria specula concava, eaque ita dispone, ut singula diversam respiciant plateam. oppone in distantia debita (quam optimè docebit experientia) cuius speculo lentem convexam: in medio speculorum statue lucernam accensam, hujus lux vi speculorum reflexa, & ope lentium collecta, ad omnes tres plateas diffundetur, easque intensissimo illustrabit splendore.

XVII. *Efficere, ut flamma extra speculum egrediarur è speculo concavo versus insipientem.* Dependet hoc problema à principio in Corollario 12. superius allato ubi assertum est; locum imaginis aliquando esse intra, aliquando extra speculum concavum &c. Hinc si flammam candelæ, debito in loco, speculo opposueris, oculumque insipientis ritè statueris, flamma è speculo egressa oculo spectantis appropinquabit. Quod si versus flammam hanc è speculo erumpentem manum extenderis, mirabuntur spectatores te manibus innoxijs flammam tractare posse.

XVIII. *Concavo speculo res representare in aëre suspensas.* Ab eodem cit. principio hæc dependet pragmatia, oppone ergo speculo concavo statuam quandam parvam situ inverso, loco statuto; apparebit ea spectatori è loco determinato insipienti hære in aëre, quod si in eo loco, ad quem è speculo egreditur, basin quandam collocaveris; apparebit statua hæc insistere suppositæ basi. Si statuam ipsam, quæ in speculum radiat, & cujus imago è speculo egreditur, re quapiam occultaveris, mirabilius reddes artificium, omnes siquidem credent, veram basi insistere statuam, eamque manibus atrectare volent, sed vano conamine, nam illusas catoptrica arte manus non sine stupore retrahent.

XIX. Ope speculi concavi intrinsecas in locum abstrusam species erigere. Etsi hæc erectio pluribus modis fieri possit, facillimè tamen res per speculum concavum perficietur. Foramini in obscurata fenestra facto, imponatur lens convexa. Huic opponatur speculum concavum, sed ista à foramine remotum, ut sit extra punctum eversionis; tunc in speculo omnes imagines apparebunt erectæ.

Consent *Pontæ & Retzius*: quod, si species speculo concavo exceptæ in oppositum parietem, ubi est foramen, projiciantur ibi, erectæ etiam situ clarissimè apparituras. Id tamen fieri posse negat *P. Schastus*: cujus rationes videre poteris *V. 1. Mag. nat. l. 6. pag. 330.*

XX. Per speculum concavum datâ quavis horâ absque ulla periculo accendere cuniculum, vel comburere arcam &c. Speculo concavo inesse vim combustivam quotidiana docet experientia. Si ergo tibi sit accendendus cuniculus, vel inflammanda arx, &c. cras horâ 1. à meridie, ne tibi exinde erexitur periculum, speculo concavo semper uteris: hodie ergo speculum concavum occultè, ne observeris, ita colloca, ut cras horâ 1. à meridie radij solis illud feriant, in puncto incensionis præpara somitem, vel materiam aliam inflammabilem. hoc peractq intutum te recipe de secururo effectû securus, cras enim hora 1. à meridie, modo sol splenduerit, vi radiorum per speculum reflexorum, & in puncto incensionis unitorum præparata esca flammam concipiet, & cuniculum absque tuo discrimine accendet, vel designatam arcam in cineres rediget, si pyrios pulveres, vel aliam escam flammis aptam pridè providè supposuisti.

XXI. Concavo specula representare poterit hominem pedibus sursum versis, in aëre pendentem. Facilis planè hujus rei est praxis. Affigatur speculum in cubilis laqueari, infra statue hominem erectè stantem, si ex determinato inspicias loco, videbis hominem in aëre pendentem pedibus sursum versis. Si multiplicarentur specula hæc, quilibet ingrediens cubiculum, videret se in aëre suspensum capite deorsum vergere.

XXII. Vi speculi plani calorem & frigus intendere. Non agitur hic de vi combustiva speculi, quam videlicet per radij solis reflexos exercet. Sed sermo hic est, an speculum concavum per radij à lumine candelæ in speculum projectos,

ab eo reflexos, calorem intendere possit. hoc experientia propria sibi compertum esse testaturcum *Porta*, *Maginus*, & rei conficiendæ hanc praxin tradit: statuatur lumen candelæ in puncto incensionis ante speculum; reflexi à speculo radij faciem 4. pedibus distantem eadem intensione calefaciant, quæ intensione solum candelæ lumen prius ad ulicum tantum perdem faciem calefecit.

Per nives in eodem puncto incensionis collocatas intendi frigus præcitatus *Porta* asserit: sed *P. Melchior Cornarius* id contròvertit. ait enim nivem non posse frigefacere nisi per contactum, cum ergo nix in puncto incensionis posita non contingat speculum, illud frigefacere nequit, & per consequens nullum ab eo frigus reflecti potest. hæc ratio *Cornari* an solida sit optima rerum magistra experientia facile decidere potest.

XXIII: *Optæ speculi concavi tam amice colloqui, ut circumstantes non intelligant.* Admirandas speculo concavo inesse proprietates ex superioribus Corollarijs satis constat, illa tamen præ cæteris admirabilior videtur, quod speculum concavum non solum calorem & lumen, sed etiam vocem reflectat, & Echî fungatur munere. Testantur id viri doctissimi insignes: *Porta*: *Hædus Aufonius Veneris Medicus & Mathematicus*: *P. Blancannus, Casius*: *Schævus*, & alij Experientia propria desuper habita, inter quos est *Casus Caravagius*, vir non minus ingenio felix, quam manu industrius.

Supposita jam hac speculi proprietate propositi Problematæ hæc praxin præscribit *Cæsius* l. 3. de Mineral. c. 10. sect. 7. si quid amico communicare velis, ut ex circumstantibus homo percipiat. 1. Statue speculum concavum, sphericum in loco nonnihil obscuro, perpendiculare horizonti. 2. Lumine candelæ (aptius est lumen lucernæ utpotè non tam variabile) inquit concursum radiorum, seu punctum incensionis, quod est citèster in quarta parte diametri spheræ specularis; hoc etsi ex dato jam principio inventi possit, facilius tamen deprehendetur, si pulveres aliquos ante illud excites, aut, ut supra dictum est, aquam bullientem supposueris: apparebit enim tunc radiorum è lamina reflexorum concursus, seu punctum incensionis: in hoc puncto colloca unam auscultantia autem, averfa altera: in loco vetò, ubi prius collocata fuerat candelæ, aut lucernæ, & ipsum statue, vel saltem in eodem

sem rectitudine ad speculum, & in eadistantia, ut vox tua submissa à speculo reflexa, ab auscultante audiri possit, te colloca: his ritè præparatis.

Si quæ amico tuo soli communicata voles, voce submissa in assignato loco stans ea proferas, etsi horum nil circumstantes intellexerint, percipiet tamen ea clarè amicus tuus in determinato supra loco auscultans. Vox quam ille percipit non est primaria, seu directè à loquente procedens, sed secundaria & à speculo reflexa.

Ratio verò hujus admirandæ in speculo concavo proprietatis est, quod speculum concavum ratione figuræ ac laboris eodem modo in punctum incensionis reverberet vocem, illamque uniat, quo radios solis exceptos reflectit, & uniat: quemadmodum autem hos reddit validiores, ita & vocem sonantiorē efficit, ut ab auscultante in puncto incensionis constituto, non item ab alijs, facilè audiri possit. Quomodo idem experimentum haberi possit per speculum parabolicum, & ellipticum vide cit. Cæsum.

XXIV. *Speculo concavo & plano in dato obscuro loco excitare ignem: accendere præparatos cuniculos &c.* Si radij solis in ipso speculo concavo excipi possint facilis est praxis, & jam supra Coroll. 20. tradita: At si ad locum, in quo ignis excitandus, radij solis non pertingant, alia id arte efficiendum est. Sic ergò in obscuro carcere detentus amicus tuus, qui ignis copiam sibi à te fieri postulet: etsi ad locum accedere ipse non valeat: imò etsi nullius solis radius carcerem illustrare possit, voti tamen compos fiet, modo illi concavum speculum ad manum sit. Cape siquidem tu in manus speculum planum, & exceptos solis radios ita dirige, ut amicus tuus, hac de re monitus, eosdem speculo concavo colligere valeat: radij hi à speculo concavo excepti, & in puncto incensionis uniti, materiam inflammabilem ibidem collocatam ocius inflammabunt, desideratumque amico præbunt ignem.

Colligitur hinc quomodo eadem ratione, quis sine ullo periculo cuniculos accendere, & rupes in aëra eicere possit tutissimè, ope pyrij pulveris. Si videlicet speculum concavum in loco (ad quem nullus radius solis pertingere potest) ita statuat, ut radios solis à plano speculo, in debito loco prius collocato, reflexos excipere, & in incensionis puncto unire possit.

possit: in hoc puncto si fomes, vel materia alia inflammabilis posita sit, absque tuo vel alterius periculo, quod in accendendis cuniculis frequens esse solet, horâ, quâ volueris, desideratum videbis effectum, & mœnia, rupes, aut arcem, cui cuniculum supposuisti, in aëra ejecta tuâ conspicias. Vide *Peram* l. 17. *Mag. nat.* c. 5.



SECTIO III.

De aliorum speculorum proprietatibus curiosis.

Corollarium XXV. Ope speculi cylindracei concavi exhibere imagines rerum in aëre pendulas. Speculum cylindricum, sive vitreum, sive chalibeum, vel ex folio selenitis confectum intra chartaceum, aut ligneum cylindrum ita aptetur, ut perfectè ei adhæreat: erige hoc speculum perpendiculariter super aliquo plano: in fundo speculi colloca imaginem, aut statuam, quam pendulam in aëre exhibere cupis, hæc in situ inverso jaceat, inde expone speculum luci, ut tam speculuni, quàm imago in fundo jacens, perfectè illuminetur: quo præstito, illico prædictam statuam spectator debito loco constitutus supra orificium cylindri in aëre pendulam videbit ætonitus: quod si speculum industriâ quapiam occultari posset, in majorem admirationem spectatores rapiet: fiet enim, ut minimè credant merum ibi repræsentari phantasma, usque dum ipsi manibus proprijs experientiam ceperint: si statua in fundo jacens occultè moveri posset, ut varios eliceret gestus, vel si vivum quoddam animalculum loco statuæ ibidem debito situ collocetur mirabilius artificium reddetur.

Circa mirandum hoc Phænomenon aliqua notanda veniunt. 1. Si apud lumen candelæ exhibeatur, cubiculum obscurari debere. 2. necesse non esse, ut speculum cylindricum integrum sit, sufficit hemi cylindricum intra lig-
neum

æreum aut cæthaceum cylindrum integrum adaptatum, tunc do altera cylindri pars, vel æreo, vel nigro colore obducatur.

XXVI. *Ope speculorum simul & Magnetis exhibere rerum imagines in aere suspensas.* Sint tibi ad manum duo specula plana, unum affige laqueari, sed parallelum horizonti, ut videlicet pavimento aspiciat. Circa vel supra speculum colloca magnetem, ad latus subtilissimo filo alligetur imago quæpiam ferro facta, ut à magnete attrahi possit, & liberè in aere pendere videatur: hæc autem ut in speculum radiet necessarium est. Opponatur dein inferius speculum aliud ita, ut reflexam à priori speculo objecti in aere hærentis imaginem excipere possit: in hoc spectator imaginem in aere ex omni parte hærentem intuebitur, & eo magis mirabitur, si speculum superius cum objecto industriè occultes.

XXVII. *Speculo retro ex cavato imaginem rei extra speculum prominentem exhibere.* Antequam stannea bracteola crystallo inducitur sit, excavetur in speculo parvum concavum inde toti crystallo inducatur bracteola. imago objecta è speculo prominere, & erumpere è speculo videbitur. Mirabilius vero spectatori id videbitur, si retro speculum imago ipsa excavetur, & inde magnâ industriâ superinducatur folium: tantum enim tum præminet extra superficiem speculi, quantum intra illud habet profunditatis imago reïto speculum excavata illudet hoc artificium ita spectandum oculis, ut plerique artificari attrectaturi sint speculum, experturi, an imago reïpla præminet.

XXVIII. *Conficere speculum quod spectatori non ostendat nisi unicum objectum etsi illud ubi sit, non videntur.* Duo latera alicuius parallelepædi vel trigoni vestiantur speculis, sive chalybeis sive crystallinis, vel ex metallo confectis. inde capi imaginem quâmpiam, eamque per medium divide à capite ad pedes, unam divisæ imaginis partem colloca ad latus dextrum alterum ad latus sinistrum parallelepædi speculatis, vel trigoni colloca dein spectatoris oculum ad angulum communem, in quo conjunguntur hæc specula: ibi apparebit integræ imago prius divisæ, te verò ipsum non videbis nec ullum objectum in regione oppositum. Magis mirabitur spectator, si imaginem divisam interjectis alijs figuris ante speculum depositis occultari possit.


XXIX. *Faciem per medium divisam in speculo repræsentare.* Facillimè ad obtinebis, si vtrum accipias. quod ex una parte perfectè planum sit, ex altera verò angulum solum introrsum protuberantem per longitudinem, vel latitudinem habeat. hinc vitro, ex qua parte protuberat, angulus bracteolam inducito: inspiciens in hoc speculum faciem per medium divisam videbit.

XXX. *Varias Metamorphoses alias Faciei exhibere per specula.* Si velis faciem spectandam exhibere sub forma asinina, aut canina &c. Confice speculum quod ex parte anteriori sit planum, postera verò pars in umbonem reclusum protuberet. Si hæc pars protuberans retrò sit è regione oris inspicientis, os suum extorsum porrigi, simileque asinino aut canino ori intuebitur.

Quod si faciem inspicientis cornutam exhibere velis. Fec ut speculum retrorsum in duos umbones protuberet, & anterior plana pars sit paululùm undulata, spectator se cornutum, rugosum, & ridiculum toto oris hiatu conspiciet.

Quod si paraveris speculum ellipticum, vel ejus segmento solum selenitis ritè adaptaveris, aut speculum planum à sua superficie variè, & irregulariter deficiens curioso spectatori opposueris, videbit is ad omnem motum faciem mille modis deformatam.

XXXI. *Specula, qua horologij obibant vices, & rotæ ostentabant facies, quot hora præterlapsa essent, olim inventa fuisse tradit ex Plinio Cardanus; talia ope aquæ effici posse docet in Thaumaturgo Math. Caspar Ens. potest enim hydraulico artificio aqua ita dirigi, ut ex aliquo vase effluens horæ unius intervallo unum speculum detegat: alterius verò horæ spatio, duo, tertia hora, tria &c. in quibus detectis successivè speculis tot semper apparerent inspicientis facies, quora pro tempore hora currit. Pleniorè modum tradit citatus Cardanus l. 4. de subt. p. 131. quem curiosus lector consulere potest.*



SECTIO IV.

De Trigonis vitreis, Polyëdriis, seu vitris Polygonis.

Corollarium XXXII. *Ope vitri trigonifera Prismaticæ præsentare Iridem.* Res notissima est Prisma, seu vitrum trigonum per radios solares exceptos in obscurato cubili repræsentare genuinos Iridis colores: quod si hos colores vel per cylindrum vel conum vitreum exceperis circula rem Iridem in cubiculo elegantissime depinges. Si triplicatam voles Iridem repræsentare, radios à Prismaticæ refractos excipies vitro una ex parte plano, & ex altera forma trigonali seu tribus lateribus sub angulis obtusis confecto: radij per hoc transmissi & cylindro convexo excepti duplicatam vel triplicatam effigiant Iridem.

XXXIII. *Vitris trigonis alia exhibere spectacula.* Plura vitra trigona inter se ita intra fenestellam unam concludere, ut ex una parte faciant planum unum continuum, ex altera stellatum. quod si obscurato plenè cubiculo fenestellæ hoc Polytrigonum imposueris pulcherrimè depictum videbis cubiculum, adhuc plus miraberis, si radios à Polytrigono refractos exceperis speculo concavo. quod si opposueris loco concavi vitrum polyëdrii seu multis lateribus variè inclinatis constans jucundissimum præbunt spectaculum, nam cubiculum pulcherrimis gemmis, & lapidibus pretiosis ornatum exhibebunt. Si verò Polytrigonum instar rotæ circumagi possit in fenestella aperta, cælum stellatum in tuum migrasse cubiculum credes. Plura spectacula ipsa docebit experientia.

XXXIV. *Varia per vitrum polyëdrii exhibere spectacula.* Si in singulis polyëdrii vitri lateribus depingatur v. g. pomum, ficus, aut lacerta. & obscurato cubiculo per foramen vitro proportionatum radij solis polyëdro excipiantur, cubiculum plenum pomis, ficibus, aut lacertis conspicias: melius succedet negotium, si lente vitrea intermedia exceperis species.


Si autem vitrum hoc polyedrum amico in manus dederis , & nummum aureum monstraveris tot videbit nummos , quot diversis planis vitrum constat. Hinc , si amico prædictum nummum aureum spondeas , si eum attigerit , jucundum videbis spectaculum , ob multiplicationem enim nummorum , & digitorum simul , quibus eundem apprehendere tentat , vacuat tandem retrahet manus , donec quemlibet apparentem digitorum extenderit versus apparentem nummum digito proximum : vel si polyedrum in gyrum moverit , digitorumque extenderit versus nummum illum , qui immotus permansit , tunc enim desiderato potietur nummo.

XXXV. *Ope vitri polyedri in tabula representare elegantem depictam imaginem , quæ sine illo non apparet. Sed quod idem est per vitrum polyedrum dissipare in tabula imaginem , & dissipatam iterum colligere.* Inventum hoc & artificiosum , & jucundissimum est. Res autem sic conficitur. Statue tubum chartaceum aut ligneum supra fulcrum verticaliter erectum ante planum , in quo imago dissipanda , seu dissipatè pingenda est. Tubo impone Polyedrum latioribus planis constans. Alteram tubi partem claude relicto solum retnui foramine , ad quod oppone ardentem lucernam : radij varietate in Polyedro refracti in dato plano ad picturam præparato tot projicient areolas luminosas , quot planis vitrum constat : in areolis hæc adnotatis cerussa vel colore defetibili pinge id , quod statueris , cum debita connexionione partium inter se , reliquis partibus varias insere picturas alias , sylvas , montes , Humina &c. si absque tubo inspicatur imago dissipata , ob interjectas artificiosè figuras , spectatores eludet oculos. at ubi foramini prædicti tubi in priori loco immoti applicueris oculum , imaginem , quæ prius non apparuit , eleganter delineatam conspiciet.

XXXVI. *Vase aquâ pleno ut refractionum facere , ut imagines modo appareant modo repente dispareant.* Fiat vas , cujus fundo pice , resina , calce &c. adglutina vitrum , operculum ejus habeat foramen rebus representandis proportionatum. infra fundum vitreum statue rotam occultè mobilem , in qua imagines plures , quæ foramini prædicto subiectæ proportionatæ sint : imple vas limpidissima aquâ , & move occultè rotam , & imago vel petita , vel expectata vi refractionis ita e-

levabitur, ut in prædicto foramine in superficie aquæ spectata-
 ti appareat: hanc quoties velis mutare pores occulta rotæ
 mutatione, & prout voles spectatorum oculis Dioptricæ im-
 peritis illudere poteris.

*XXXVII. Vase aqua pleno exhibere specterum immis-
 sionem jucundissimam.* Fiat item vas, cujus fundo vitrum su-
 per arenam nonnihil attritum & obscuratum, pice, resina &c.
 adglutinetur: infra vitrum in spatio debite obscurato ponatur
 speculum planum in ea elevatione, ut radij objectorum per
 hoc ad vitrum reflecti possint. Foramini à regione speculi fa-
 cto imponatur lens convexa: vasi autem infundatur limpidi-
 ssima aqua: quod si præparato jam instrumento hoc dioptrico
 uti velis, in obscuro loco illud ita colloca, ut lens convexa,
 objecta à sole illustrata respiciat, videbis illic hæc cum suis
 motibus & coloribus superficiei aquarum innatare, spectaculo
 sanè jucundo, & ameno: plures exinde curiosas alias præses
 deducere poteris ingeniosus artifex, quibus spectatorum o-
 culos per variarum rerum debito loco à sole illustrato collo-
 catum, repræsentatas recreabit.



SECTIO V.

De lentibus, & Sphæris vitreis.

*Orollarium XXXVIII. Lente crystallina convexa illumi-
 nare noctu loca remota:* Lens convexa, crystallina præ-
 terquam quod valentissimè per solis radios refractos in materis
 combustibilis sibi apposita, ignem accendat, etiam hanc habes
 proprietatem, quod noctu remota loca illuminare possit: po-
 natur enim lumen post lentem convexam in puncto accensio-
 nis, in quo radij refracti uniuntur, si lumen ante lentem col-
 locetur, radij luminis per lentem transmissi loca remota ita
 illuminabunt, ut transeuntes per plateas, vel ambulacra clarè
 discernere, & quæ in cubiculis distantibus aguntur, dilucidè in-
 treri valeas.

XXXIX. *Ope lentis convexæ noctu legere litteras longe distitas.* Deducitur hoc ex priori. collocetur enim ut ante candelam post lentem convexam in puncto incensionis, quod optimè ipsa experientia determinabit; & non sine admiratione diffitas à se absque difficultate leget litteras; easdem litteras eadem facilitate legere poterit, si eis vicinus sit, lens verò una cum lumine sit remota. hinc patet quomodo in obscuro loco detentus sensa animi tui amico communicare possis, si videlicet litteras legibili charactere scriptas noctu fenestram exponas; ad hanc fenestram si præmonitus amicus lentem à candelâ illuminatam dirigat mentem tuam in prædicta fenestra ex præpositis ibi litteris distinctè cognoscere poterit.

XL. *Per lentem convexam, cum amico distante clandestinè colloqui.* Quomodo id ope speculorum fieri possit superius insinuatum est. Facilius id fiet absque ullo speculo, per lentes convexas magnitudinis eximias, quod si utrique talis lens ad manum sit, concubia nocte res suas inter se conferre amici distantes poterunt. quivis enim characteres, ea qua supra dictum est, arte lentis adglutinet, inde in debita distantia lumen vitro convexo applicet; radiosque ad amici cubile dirigat, in obscurato pariete arcanos animi sensus amicus leget; qui eadem arte ope similis lentis, amico responsum transmittet. Si verò quis litterarum loco excissas lentis vitreæ conglutinet rerum effigies, easdem in obscurato amici cubili non sine præsentium stupore ad vivum repræsentare poterit.

XLI. *Per Sphæram vitream aquâ plenam accendere ignem.* Paradoxum hoc multis videri posset; per inimicam flammis aquam ignem nihilominus accendi. Fit id tamen ope sphæræ vitreæ, quam si aquâ limpidissimâ impleas, & radijs solaribus exponas, aptam flammis escam in puncto, ubi refracti radij uniuntur, colloques, desideratum habebis effectum: oppositam enim materiam inflammari miraberis à sphæra frigidissimâ aquam, vel glaciem ipsam continente. Idipsum præstabit majori apud imperitos prodigio, globus solida è glacie elaboratus, oppositam enim materiam inflammabilem in cineres rediget non minus, quàm si ignitus carbo objecto applicaretur; id tamen advertendum, ut dum prædicta sphæra vitrea, aut globo è glacie efformato ignem accendere desideras, effectui non dabis, nisi à ventis sit quietus aer, & ijs

solum horis, in quibus videlicet potentior est radiorum solarium virtus.

XLII. Per sphaeram vitream aqua plenam nesci cum amico distante conferre consilia. Multos jam tradidimus modos quomodo id fieri possit per specula tum plana, tum concava, & lentes convexas, quoniam vero non omnibus specula concava ad manum sunt, faciliiori methodo id perficietur per sphaeram vitream aqua plenam: in sphaera hujus parte convexa, ex qua amico communicata cupis, compendiosa inscribe, post sphaeram ex opposito charaderum accensam collocare faciem, radiosam projectionem lente convexa, debito loco collocata, excipe, & ad obscuratum cubiculum dirige, leget non sine admiratione amicus in pariete arcanos animi tui sensus: qui si eadem sphaera opera uri veller, & sua tibi communicare poterit consilia.

Patet hinc quomodo, & varia in alienis parietibus exhibere spectacula valeas, si diversas figuras & effigies in sphaera depinxis: rerum enim depictarum figurae in loco, ad quem radios diriges, elegantissime representabuntur. Duo hic notanda sunt. 1. Sphaera vitrea usum esse non posse nisi apud lumen candelae: solis enim radiosa projectio per sphaeram non in quemlibet locum dirigi potest. 2. Rem eo majorem habituram successum, quod major erit sphaera vitrea.

XLIII. Ope sphaerae vel phialae sphaericae vitreae multiplicatam exhibere Iridem. Phialam hanc limpidissima replebis aqua, obscurandum dein cubiculum integrum, excepto unico foramine, sphaera vitrea proportionato, per quod videlicet solis radius Phialae illuminandae proportionatus immitte possit: huic radio solari oppone sphaeram vel phialam vitream 3. aut 4. pedibus a foramine remotam, sed ita ut radius solaris in sphaera refractus, & dein in ejus concavitate repercussus, in oppositum parietem incidere possit, quod si fiat, illico elegantissimam iridem in muro depictam intueberis, sed simplicem suntaxat. duplicem autem, si desideres immediate post sphaeram vitream speculum planum colloca, ut residuos radios jam ultra sphaeram refractos progressos ad eundem parietem reflectat, & novam videbis Iridem. Tertiam autem habebis iridem, si loco plani speculi concavum assumes, & sphaera vitrea eidem loco, in quo planum positum fuerat appli-

applicet, triplex tunc apparebit iris. Idem præstabis per e-
num vitreum, aut prisma, seu trigonum, loco debito appli-
catum.

*XLIV. Pila crystallina aliter representare multiplica-
tas irides.* Cura pilam crystallinam in vitrariorum fornace
igne solum ita rotundari, ut absque rotæ ope superficies poli-
cissima sit: ubi ferro prius tangebatur relinquatur pedunculus,
quo teneri possit. De ratione Vitri ejusque puritate multum
solicitus nē sis, siquidem minus purum huic rei melius deser-
vit: ponatur supra oculum, è regione candela ardens, lumen
refractum irides pulcherrimas, & quidem sine numero repræ-
sentabit, & amœnissimo spectaculo lumen ipsum totum auro-
rum reddet. Monet Porta ut pila hæc crystallina iuglandia
magnitudinem adæquet.

*XLV. Pila crystallina officere, ut imago in aëre pen-
dere videatur.* Hujus rei sequentem praxin proponit cita-
tus sæpius Porta: ponatur objectum, imago aut statua retro
pilam, ut hæc inter oculum, & imaginem, aut statuam me-
diat, comparebit objectum extorsum in aëre suspensum supra
pilam, sejunctum adæquarè à pila. Quod si imago ponatur
inter oculum & pilam, clare & distinctè imago in aëre pendu-
la apparebit retro pilam: clarissimam hujus experientiam dabit
candela ardens, quæ sive retro pilam collocetur, seu inter ocu-
lum, & pilam ponatur, distinctissimè in aëre pendula videbitur.
P. Schottus asserit quidem se millies rem tentasse, nun-
quam tam similem in pila crystallina effectum vidisse: sub-
jungit tamen rationem suadere id omninò fieri posse, cum ra-
dij refracti concurrant ante, vel post pilam, si objectum ante
vel post pilam ponatur.

*XLVI. Pila crystallina res minimas representare sub
admiranda magnitudine.* Sit tibi pila crystallina non me-
dioctis, ad partem ejus convexam pulicem vel aliud quidpi-
am minutum applica: ex parte opposita propè pilam colloca-
to oculum, & non sine stupore rem minimam videbis im-
mensum auctam, & quæ oculo etiam proximè admo-
to pri-
us orant invisibilia clarissimè jam discernes. Si minimas
convexæ superficiæ applicueris litteras, in immensam exten-
scent magnitudinem.

*XLVII. Ope sphaerarum vitrearum construere machi-
nam,*

nam, qua ad datam horam ignem in altari suscitet, candelas accendat, & peracto sacrificio fontem efficiat, quo accensa candela extinguantur. Ut admirandam hanc machinam accuratè construas, sequentia sollicitè sunt observanda. 1. Ex metallo, ære, cupro, aut quavis alia materia solida fiat quadrata basis, partibus imponendis proportionata. Hanc orthogonaliter in duas partes per ductas perpendiculares divide, ex his perpendicularibus una repræsentet meridianam in plano horizontali lineam, altera verò communem æquatoris cum plano horizontali intersectionem. 2. Cura dein ex metallo, ære, aut materia solida semicirculum, in suos gradus 180. accuratè divisum; hic insistat ad angulos rectos lineæ meridianæ, & ita solidetur in utroque basis latere, ut moveri non valeat. 3. Ex simili materia fiat alter semicirculus, dividaturque in 12. partes æquales, seu in duodecim horas æquinoctiales, ita ut hora duodecima medium occupet locum; hora 6. matutina verò incipiat à parte extrema orientali semicirculi, indeque sequatur hora 7. 8. &c. Circulus iste collocetur super lineam Meridianæ perpendicularem, seu quæ repræsentat communem æquatoris cum plano horizontis intersectionem, sed ita suis sit instructus vertebtis, ut supra alterum semicirculum in suos gradus divisum pro libitu elevari, & deprimi, ac in quovis gradu firmari possit. Circulus iste repræsentat æquatorem & cæteros parallelos, ideò mobilis esse debet supra circulum alterum, qui repræsentat meridianum, ut cuicunque Regioni possit accommodari, & cuiusvis etiam paralleli solaris meridianam altitudinem designare. his paratis

Semicirculo huic æquatorem referenti imponentur duodecim parvæ sphaeræ seu pilæ crystallinæ in punctis duodecim horarum ea tamen habita ratione, ut puncta horarum ipsi centro pilarum perfectè congruant, item, ut semicirculi prædicti eam habeant ad pilas proportionem, ut locus ustionis cum centro semicirculorum accuratè correspondeat. his, ut diximus peractis.

Si prædictum spectaculum exhibere velis, colloca totam machinam ope magnetis ad polos mundi, ita, ut unum punctum meridianæ lineæ accuratè respiciat Boream, alterum verò Austrum. Eleva dein, vel deprime mobilem semicirculum ad illum gradum declinationis in quadrante meridiani Bo-

ream

team respiciente , quem gradum eo die sol occupat : in hoc Ge-
ru cochleis suis firmetur semicirculus , ut moveri ultra non pos-
sit. Colloca deinde in centro semicirculorum somitem : cui
ita applica fila sulphure delibuta , ut circumstantium candelarum
lychnos tangerent : omnes sphaeras crystallinas charta tege-
re , excepta illa , quae eam horam representat , qua praedictum ar-
tificium exhibere vis : ubi ergo haec hora venerit , radiorum
Solarium ope focus sphaerae positum in centro succendat somi-
tem : per hunc concipient sulphurata fila flammam , per quam
& dictae etiam accendentur candelae , ea , qua praedictum fuit
hora.

Quod si assignato tempore accensis candelas delere ve-
lis , sic institues. Cape vitream phialam labro suo instructam ,
per ejus collum demitte parvum canalem , qui tantum a fundo
phialae distet , ut aqua in eundem subire possit : orificium
phialae ita obstruatur , ut nullus aer aut aqua exire , aut intrare
possit , nisi per canalem : ad tertiam fere partem haec phiala
repleatur aqua , & ponatur in centro semicirculi aequinoctia-
lis , ita ut phialae venter respondeat centro. His paratis de-
tege eam sphaerulam , quae eam representat horam , qua spe-
ctaculum te exhibiturum promissisti : radij solares penetrantes
sphaerulam directam , refracti percutient praefatae phialae ven-
trem in centro positam . & inclusum in ea rarefacient aerem ,
cuius vi per canalem expelletur , & in altum projicietur aqua ,
quae recidens , si paratis & ad candelas directis tubulis excipiat ,
data hora candelas praedictas extinguet.

*XLVIII. Per sphaerulas vitreas construere horologium ,
quod singulis horis exhibeat fontem tot rivulis constantem , quot
hora elapse sunt.* Ex priori artificio etiam haec exhibitio fon-
tium consequitur , singulis enim horis : seu sphaerulis eas re-
praesentantibus singulas suppone phialas , ita constructas , ut
quaevis tot sit instructa canalibus parvulis , juxta numerum ho-
rae , cui supponitur. Sic enim fiet , ut v. g. hora 3. a meridie
fons exiliat tribus constans rivulis : quia radij solares in sphae-
rula horam tertiam representante refracti , aerem in phiala
supposita rarefaciunt , cujus vi aqua per tres canales , quibus
est instructa , in altum projicietur mirando sane spectaculo.
quod idem in ceteris horis sequentibus cum augmento rivulorum
etiam augebitur.

XLIX. Per pilam crystallinam conficere Laternam, qua remota illuminet, & utilis sit ad distantes litteras legendas. Fiat laterna ex materia quacunque & formæ cuiuscunque, optimè ramen instituto serviet, si ea ex laminis ferreis nigro colore tinctis in turriculæ formâ fuerit confecta. In medio lateris ostiolo colloca pilam crystallinam integram, aut etiam dimidiam, modò ejus pars convexa foras promineat. Colloca dein in lateris mediè lumen, sed in tanta à basi altitudine, quantâ à prædicta basi centrum pilæ distat. Clude inde ostiolum, lumen in laterna inclusum per transparentem crystallum, tantum ejaculabitur splendorem, ut in remotâ distantia vel ipse litteras parietum, vel muro inscriptas legere, vel amico distanti legendas exhibere possis, si in prætereuntia, vel è fenestra remota spectantis vultum radios direxeris clarissimè eandem cognosces, vicissim autem ab eo minime agnosceris.

Si autem in laterna hac lumen augere velis, post lumen colloca speculum concavum, cujus semidiameter adæquet diametrum lateris, & radiorum vim plurimum auctam deprehendes. in laterna hac Catoptrico Dioptrica. Sunt, qui lateris inserant solum speculum concavum ejusdem, ut dixi proportionis ad lateris diametrum: in medio lumen collocant, quod eo ipso, si dicta observetur proportio speculi concavi, in centro incensionis positum est. Desideratum ex hac etiam laterna habebis effectum, nam ingenti splendore remota illuminabit loca, & distantium vultus non agnitus cognosces &c.

L. Lucernam thaumaturgam (quam vulgè magicam vocant) construere, per quam jucundissima represententur spectacula. Lucerna hæc magica curiosissimum simul, & artificiosissimū Catoptrico-Dioptricæ inventum est. Ejus enim operæ minutæ picturæ in oppositis parietibus dealbatis, aut expansis lintheis ingenti statura cum suis coloribus elegantissimè representari possunt. Lucerna autem sic construitur, 1. Pareatur ex laminis ferreis stannio superinductis lucerna, vel in modum cylindri, speculo, & lentibus proportionati, vel alterius formæ, libitæ: superiori parti sit parva imposita turricula passim perforata emittendo lampadis accensæ fumo apta. 2. Pareatur speculum concavum, vel ex metallo, aut chalybeum.

cujus diameter sit circiter 4. aut 5. digitorum: profunditas ejus 7. aut 8. partium digiti. 3. Comparatur lampas, cujus medio imponatur Flychnium ex Gossypio spisso quidem, sed levius contorro, ut oleum melius attrahi possit. Lampas hæc supernè sit clausa, ne oleum effundatur, permittatur tamen utrinque spiraculum, pro libero aëris accessu. Dicta lampas ita constructa sit, ut inter duas crenas, quæ in lucernæ fundo parandæ sunt, à speculo removeri, vel ad illud admovegi tamdiu possit, donec focum occupet, & splendorem satis fulgidum ejaculetur: his ita præparatis

4. Comparantur duæ lentæ utrinque convexæ, hæc inserantur duobus tubis lucernæ foramini (cui imponi debent) proportionatis, sed ita, ut pro libitu conjungi aut disjungi possint. Lentæ has non oporteret esse ejusdem convexitatis, ea enim quæ à lucerna remotior est paulò majoris sphericitatis esse debet, quam sit altera lucernæ propinquior: unde si diameter lentis unius in lucerna aliqua majori sit 2, pedum & 25. alterius esse potest 1. pedis & 75. in minori

100.

100.

autem lucerna si una lens, sit ex diametro 1. pedis & 20. at-

100.

tera esse potest ex diametro 90.

100.

5. Fiat asserculus tenuis pluribus foraminibus instructus, his inserantur vitrei orbiculi lentibus proportionati, in quibus ea, quæ repræsentare cupis coloribus aqueis, & pellucidis depicta sint: asserculus hic imponatur ita lucernæ intra crenam ad hoc paratam, ut utroque citroque moveri, jam hanc, jam illam picturam lentibus obijcere valeat. Dein colloca ita speculum concavum, ut directè foramen, cui tubuli cum lentibus inserti sunt, respiciat, his ita constitutis

Accensa lampade, dirigatur lucerna ad parietem album, vel linteum oppositum: obijciatur una ex picturis lentibus convexis, quas tamdiu disjunges, aut conjunges, donec debitum splendorem lucerna profundat: conspicias mox in grandi statura imaginem in pariete elegantissimè cum omnibus coloribus suis depictam. Distantiam, in qua lucernam collocare debes ipsa experientia te optimè docebit. Illud tibi

certum

certum sit : quanto plus à pariete , vel linteo lucernam removeas , tantò plus augebuntur objecta picturæ , & quanto propinquius eandem admoveas , tantò etiam eadem minuentur effigies : augebitur tamen è contra picturarum claritas.

Ad lucernæ hujus constructionem absolutam ex P. Zahn ocul. artif. circa picturam in vitreis orbiculis peragendam sequentia sunt notanda : 1. Ut vitrum colores dilutos aqueos faciliùs admittat , polirièm ejus ope glutinis candidi Ictio-eollæ , vel gummi dragacanthi in albo aceto dissoluti retundendi debere : idem efficere potes ex ejusdem doctrina , si accipias scobis ferreæ partes duas , cupræ partem unam , smalti , vel encausti partes tres : hæc ubi minutissimè cum aqua limpida triveris , & vitreis orbiculis induxeris , scabritiem induent coloribus , qui aqua borracis attemperari debent : inducendis aptam.

LI. *Ope pila crystallina vel phiala spherica aqua plena construere horologium helio-causticum , ut luce , tanquam in dice horas ostendat , & singulis horis succensa igne strepitum faciat , ex quo dignosci facile possit quanta hora sit elapsa.* Admirandum hoc artificium Kircherus tradit l. 10. artis Mag. lucis & umbræ c. 4. fol. 790. ubi hanc constructionem helio-causticæ hujus machinæ tradit. Fiat hemicyclus concavus , seu hemisphærium concavum tantæ magnitudinis , ut pila crystallina , quæ in centro hemicycli poni debet , ustorij conipice , seu foco superficiem concavam præcisè attingat. Delinæetur dein in superficie concava horologium astronomicum tropicis suis comprehensum Gnomonicis usitata methodo , quod idem Kirch. docet l. 6. fol. 478. hoc peracto , si pila crystallina in centro hemicycli collocata fuerit lucidus apex ponti ustorij huius pilæ demonstrabit horas in hemicyclo concava : ut verò etiam alterum effectum prodigiosum hoc horologium præstet sic operaberis

Lineas horarias à tropico ad tropicum subtiliter exciudes , ita tamen ut rimæ habeant aliquam latitudinem . Inde erunde , quem parallelum eo die sol percurrat , seu in quo signo versetur . In invento parallelo , ubi horas intersectat , foveam intra rimas colloca , in convexæ autem hemicyculi supericie ad puncta eadem inferes canales tot instructos canaliculis lijs ex lamina confectis , quot horæ cuilibet correspondent ,

canaliculos hosce implebis pulvere pyrio, & supra illos adges tintinabula. His ita ritè paratis

Machinam magneticè situatam expone soli, fierique ut simul ac coni ustorij apex fomitem attigit, eundem inflammabit: cujus ope pulvis pyrius in canaliculis, vel rotidem mortariolis contentus, ignem concipiet, totque edet strepitus, quos unitates hora currens continet. Simulque si tintinabula mortariolis affixa sint, rotidem sonoris ictibus horam currentem designabit, cum ingenti stupore intuentium, qui in machina hac heliocautica id seris admirati non poterunt, quod eosdem effectus, qui rotatis solum horologijs proprii sunt, horologium solate artificio longè ingeniosiori, ac nobiliori præstet.

LII. Horologium in medulla globi crystallini describere. Artificioissimum etiam hoc inventum est Kitcheri, quod juxta ejus doctrinam sic conficitur: Globus crystallinus à petito artifice dividatur in duo hemisphæria, ita, ut denuò conjuncta nullum dent divisionis indicium. Inde pareant alter globus crystallinus libitæ magnitudinis: extaverut in utriusque globi majoris divisi plano concava superficies recipiendo prædicto globulo proportionata, hic globulus antequam cavitatibus istis imponatur, dividatur ejus convexitas in 12 meridianos, æquinoctialis verò, circulus in 24. horas quod ubi factum imponatur concavitatibus prædicti globi majoris: inde ejus hemisphæria ita coagmententur artificiosa industria, ut nullum omninò appareat divisionis vestigium, quod faciliùs obtinebis (si aureum filum quod meridianum refectat) commissuræ inseratur: stilum in hoc horologio ager aureus alter circulus versatilis circa polos globi crystallini collocatus. His ritè observatis perfecta est machina.

Ufus verò horologii hujus admirandi est sequens. Si horam dignoscere cupias: statue globum juxta mundi polos pro tuæ regionis latitudine elevatum: move hinc inde circum versatilem, seu meridianum mobilem, donec umbra hujus recta coinciderit cum aliquo circulo horario in globulo interiori designato: is enim horam diei in æquinoctiali demonstrabit accuratissimè. Artificioissimum hoc horologium quantum in admirationem capiat spectatores vix dici potest,

concipere enim nequeunt qua arte globulus minor impositus sit majori, item qua ratione inscriptæ horæ, à mobili meridiano per medium tam densum constantè monstrantur &c.

LIII. *Alius recensetur modus inscribendi crystallo interiori horologium.* Et hic modus ingeniosus est, & facile in praxim deducendus. Sit v. g. cylindrus crystallinus, vel vitreus in cujus medio horas describere constituiti. Ea arte, quamperiti artifices crystallotomi maximè Veneti optimè norunt, fiat subtilissima crena per totam cylindri profunditatem. Accipe dein selenitis folium etiam tenuissimum, in quo horologium, quod lubet, delineabis: inde folium hoc in prædictam impone crenam: apicem styli in hoc horologio aget extrema cylindri superficies.

Si horologio sic constructo horas indagare velis, illud debite situatum soli expone: per maculam in extrema cylindri superficie factam demonstrabitur currens hora in ipso crystalli meducullio: quod sanè omnes in admirationem rapiet non minùs ac prior machina, neque hi penetrabunt, quomodo intra ipsam crystallum horæ designatæ sint, maximè si lampade constatoriâ: crena ex omni parte claudatur, ut folij immixti nullum sit amplius indicium. Si loco horologij, alias alias figuras, aut effigies in folio selenitis depinxeris, ut Venetis artificibus mos est, jucundissimo simulâ & mirando spectaculo intuentium recreabis oculos.



SECTIO VI.

De Telescopio, & Polemoscopio.

Corollarium LIV. *Jucundissimum spectaculum telescopio exhibere.* Hujus etiam curiosissimi experimenti primus

inventor est Kircherus, docet enim l. 10. Att. Mag. fol. 837. ope telescopij representare ingentia maria, classes bellicas, balenas, scopulos, lacus, sylvas, montes. & animalia omnium generis. Modum autem, quo id spectaculum jucundissimum exhiberi potest, sequentem præscribit. In assere quopiam parallelo ad horizontem, & fenestræ exposito projiciantur festucae, arenæ, aliaque exiguae reculae, quæ ex loco, ubi per tubum inspicitur, videri non possunt; inde perfunde aquam extremam tabulam, & tamdiu retrocede, donec assers planitiem in debita proportionè respectu tui telescopij inveneris. Quod ubi factum fuerit in telescopio tuo representabuntur tibi ingentia maria, & in ijs innumera apparebunt naves: Credes tibi obijci hinc syrtes, inde scopulos, ibi monstra marina quam plurima cernes, hic aliarum rerum viva representatione recreabitur oculus.

LV. *Eadem spectacula ope Telescopij & machinæ cujusdam artificiosius exhibere.* Fiat ex ligno tympanum tot, quot voles lateribus instructum tantæ magnitudinis, ut axe suo per medium transeunte intra fenestram circumvolui possit: Singula latera certis rebus representandis sint destinata: Primum v. g. representet maria: 2. sylvas: 3. hortos &c. quâ divisione facta minimas quasque res industria quapiam singulari in singulis colloca lateribus, gratiosissimum ex reddent insipientibus spectaculum. In primo laterè, si maria exhibere velis, certam tabulæ partem, argenteis folijs, dentè expolitis vesti: inde patvos ex cæra conficies monticulos, quos hinc inde disperges; festucae quoque minimas argenteæ huic oræ cum arenulis injice habita aliqua proportionè & ordine inter se; item convexi speculi fragmenta parvula intra, & extra prædictam argenteam oram colloca, & paratum habebis machinulæ hujus curiosæ latus primum, quod in argenteis folijs amplissimum representabit mare, in cæra particulis scopulos, in festucae prominentibus naves, in arenulis monstra marina terrificæ, in particulis speculorum intra oram positis insulas, in ijs quæ ad finem argenteæ oræ collocatæ sunt montes ultra maria amœnissimo representabuntur spectaculo, si per telescopium inspexeris: quod si in cæteris lateribus alios minimas reculas debite collocaveris, & versaveris tympanum, aliam mor-

& aliam rerum jucundissimarum scenam representabis cum maxima insipientium admiratione, quæ eo major erit, si industrius artifex ita tympanum prædictum disponet, ut spectatoribus sit inaccessum: item si rebus repræsentatis arte occulta addiderit motum. Ut autem meliorem res successum habeat, præstat, ut telescopium in debita distantia (quam docebit experientia) collocatum, & tympanum directè respiciens, sit immobile: item, ut vel tympanum ipsum vel paries tympano oppositus à sole illustretur: tandem consultum foret si Spectator ex loco obscuro tympanum inspiceret.

LVI. *Conficere tubum opticum usibus bellicis utilissimum, in quo sine ullo periculo ea videri possunt, quæ in hostium castris, in suffossionibus, & stationibus inimicis aguntur &c.* Hoc tubi genus longè utilissimum testè Sturmio, Havelius invenisse dicitur, quod & ab usu bellico *Polemoscopium* appellavit. Tubus autem iste sic constructur. 1. Fiant tres aut quatuor tubi chartacei aut lignei, qui mutuo sibi inseri possunt, tubus autem integer non sit, ut cæteri, rectus, sed in extremitate una ad angulum rectum inclinatus. In angulo hoc recto intra tubum ponatur speculum planum, & ad gradus 45. inclinatum: huic à diametro in extremitate tubuli brevioris ad rectos angulos inclinati opponatur lens satis convexa seu objectivum, collocentur dein reliquæ duæ lentes in tubo longiore debita intra se distantia, & ordine: eritque perfectum *Polemoscopium* plurimis usibus maxime bellicis necessarium. Si enim intè hostium suffossiones, & labores ex civitate obsessa intueri voles, tubulum breviorẽ longiori perpendiculatẽ versùs objectum desideratum dirige, oculum verò longioris tubi extremitati applica: radiabit objectum per lentem objectivam in speculum, inde reflexum perget ad lentem primam, tubi longioris, per hanc ad secundam, seu ocularem, in qua distinctè & turissimè hostiles conspicias labores. Plures præstantissimos usus docebit te experientia.

SECTIO VII.

De Microscopijs.

Corollarium LVII. *Construere Microscopium per unicam lentem convexam.* Magnam Microscopijs quoque inesse utilitatem satis ex eo patet, quod minutissimarum rerum naturam, constitutionem, perfectiones, ac defectus oculo ceteroquin inobservabiles clarissime repræsentent. Varia Microscopiorum genera sunt, nos aliquot breviter insinuabimus. Facillime id conficitur, quod unica lente constat. Padi ligneæ infigatur Bacillus gracilis ex ligno, vel metallo, hic sustentet brachiolum ad angulos rectos ei impositum, lentem convexam, augendo objecto aptam, capsulâ inclusam gerens. Prædicto Bacillo per transversum alter itidem Bacillus gracilis imponatur, ita, ut in omnem partem verti, sursum, & deorsum pro exigentia moveri possit, una Bacilli extremitas ita sit instructa, ut parva animalcula affigi, & lenti immediate obijci possint, altera extremitas metallino sit instructa circulo, cui pro libitu vel orbiculus vitreus, vel ligneus imponi possit. His peractis perfectum erit Microscopium. quo si uti velis, res minimas solidas ligneo, liquidas vitreo impone orbiculo, animalcula affige apici Bacilli, huncque sursum & deorsum tamdiu verte, donec respectu lentis debitum obtineas situm. Admove dein ad lentem oculum, & objectum minimum immensum, ut ita dicam, auctum clarissime intueberis.

LVIII. Pila crystallina conficere Microscopium. Fiat regula lignea vel metallina: unius extremitati imponatur metalli frustum in conchæ formam elaboratum foramen parvulum in medio conchæ factum occupet pila crystallina parvula, sed bene polita, & exactè rotunda. Pars altera regulæ in manubrium desinat. Huc regulæ ab opposito conjungatur regula altera brevior. Sit hæc suis instructa vertebis, ut ad primam vel adduci, vel ab illa removeri possit. Regulæ hujus medio imponatur orbis ligneus, vel metallinus gracilis, ita, ut liberè circumagi possit: in hoc orbe sunt 6: circuli excisi vitris planis muniti: vitris imponantur objecta liquida, vel

diaphana, quorum naturas accuratius inspicere liber: addu-
cantur dein otibuli hi vitrei successivè infra pilam crySTALLI-
nam, ponantur autem ope verticillarum regula brevioris ri-
debita à pilo distantia. Oculus per pilam crySTALLINAM inspiciens
objecti visi, de se exigui, magnitudinem stupendam, sat mirat-
lion poterit.

LIX. *Vitro sphaerico idem prestare.* Fiat tubulus exi-
guus: orificium unum muniatur vitro sphaerico exiguo, alte-
rius tubuli extremitati imponatur vitrum planū, cui res repræ-
sentanda affigatur: & eundem præstabit effectum.

LX. *Idem aliter efficere.* Accipe vas vitreum, ejus
fundo varias injice reculas minimas. Orificio stricto impo-
natur crySTALLUS lenticularis, vel sphaerica exigua: in-
trospectiens per hanc in fundo vasis magnā animi voluptate
mita inuenerit.

O. A. M. D. G.





